

# ՀԱՅ ՔՆԱՐԵՐԳՈՒԹԻՒՆԸ ԽՈՐՀՐԴԱՅԻՆ ԵՒ ԱՆԿԱՆՈՒԹԵԱՆ ՇՐՋԱՆԻ ՃԱՄՓԱԲԱԺԱՆԻՆ (Դիտարկումներ)

ԿԱՐԻՆԷ ՌԱՖԱՅԷԼԵԱՆ  
karine.rafaelyan@mail.ru

## ՆԱԽԱԲԱՆ

Հայ քնարերգության՝ ՀՀ անկախության շրջանին բնորոշ որակումները չեն կարող խստորէն սահմանազատուել մինչ այդ եղածներից, քանզի անկեղծ ստեղծագործողը շատ էլ չի տրտամ հասարակարգային, գաղափարախօսական պարտադրանքներին: Ու թէեւ ժամանակի թելադրանքով ստիպուած է լինում գրել այս կամ այն նիւթով, այս կամ այն յոբելեանի, քաղաքական իրադարձութեան մասին, միեւնոյն է՝ իր էութիւնից, իր ազնիւ յոյզից բխող ստեղծագործութիւններում նա ներկայանում է այնպիսին, ինչպիսին որ կայ՝ անկախ արհեստական ու արհեստածին երեւոյթներից:

Այս երկրորդ ուսումնասիրութեամբ դարձեալ փորձեցինք, նախորդի նման՝, որոշակի սահման գծել եւ անդրադառնալ մահկանացուներիս աշխարհը լքած միջանի հայ բանաստեղծի, որոնք ստեղծագործեցին խորհրդային եւ յետխորհրդային հասարակարգերի ճամփաբաժանին՝ բանաստեղծական երկնամների նիւթը քաղելով թէ՛ մէկից, թէ՛ միաից:

Սահմանազատեցինք նաեւ այս բանաստեղծների ստեղծագործական կեանքի երկու շրջանները՝ մեր դիտարկումների ծիրում պահելով միայն յետխորհրդային տարիներին նրանց ստեղծած գործերը:

Բնական է, որ խորհրդային գաղափարական սահմանափակումներից զերբազատուած լինելու պարագան բանաստեղծներին հնարատրութիւն է ընձենել առաւել ազատ լինել իրենց ազգային ինքութեան, տասնամեակներով լոեցուած ցեղասպանութեան ցափ անդրադարձներում, ինչպէս եւ անձնական ապրումի տիրոյթում լինել անբռնագբօս, ինչ-որ տեղ չարածնի՝ չզգուշանալով նախկինում դատափետուող յոռետեսական տրամադրութիւնները, խորհրդային մարդու խստաբարոյ, օրինակելի նկարագրից շեղումները բանաստեղծական ներշնչանքի նիւթ դարձնելու մղումներից:

## ԼԻԻԴՈՒԻԳ ԴՈՒՐԵԱՆ (1933-2010)

Իրաքանչիւր մահկանացու, առաւել եւս գրողները, ունի իր երկրային կեանքին յաջորդող ոչ-երկրայինին առնչուող իղծեր, սպասելիքներ, մտահոգութիւններ: Գրողի, ստեղծագործողի մօտ դրանք ձեւակերպուած են զգացմունքի եւ խոհի միախառնումից ծնուած ասելիքի տեսքով: Լիւրպիգ Դուրեանն իր վերջին շրջանի գործերից մէկում այսպէս է արտայայտուել.

*Թէ՛ հող դառնամ...*

*Երանի թէ՛ ցաննս վրաս*

*Մի բոս գործե՞:*

Մարդկային ու բանաստեղծական երազանքի, իրականության ու երեակայության խաչաձեռումների թրթռոններով բաբախող մի զարկերակ է Դուրեանի ստեղծագործությունը: Այն սիրոյ, հայրենիքի, գրի, մշակոյթի, ընտանիքի, բնութեան, գինու, ցասման, վրէժի գեղարուեստականացումն է՝ բանաստեղծութիւնների ու պոէմների հանդերձանքով: Դուրեանի քնարերգութիւնն ունի արտայայտչաձեւերի, բանաստեղծական լեզուաոճի մշտահնար տարրեր: Բանաստեղծական ներաշխարհի արտացոլւթերում, որպէս պարտադիր նախապայման, երեակտում են հետեւեալ "բնորոշիչները"՝ Աստուած, Արարատ, խաչ, եղէգ, խաչեալ Յիսուս, Վահագն աստուած, կռունկ, արագիլ, ագռաւ, գինի, շեր<sup>3</sup>:

*Աշուն է, ուշ, եղէգները*

*Խամրել են, ու մէկն է կանաչ...*

*Կռունկ, կանաչ եղէգը թեզ,*

*Խաչ է դարձել, պահապան խաչ<sup>4</sup>:*

Մակդիրների, համեմատութիւնների, փոխաբերութիւնների առատութիւնը երբեմն ստիպում է վերանալ բանաստեղծի բուն ասելիքից եւ տրուել մայրենիի շռայլ յորդումին, որում կողք կողքի շարուած են թէ՛ նուիրական ու թանկ, թէ՛ զագրելի ու ողբերգական իրողութիւնների գեղարուեստական գնահատումները. «ճայածայն քամի», «քիզանդական ակնաբերդեր», «ինքնութեան նախահաստատ տէր», «արնահոս յուզում», «կլտիութեան հաճոյք ճոխ», «ոսկէ սարսափ», «վագրի խենթաձառ մորթի», «ոխակեռ եաթաղան», «խեաչ<sup>5</sup> ծի», «յաւերժաճովս օճախ», «դժոխաեռ թուրք», «եօթնազալար ցասում»:

«Մի Խամիր» բանաստեղծութիւնը յայտնի «Իտալացի Աղջկայ Երգը» բանաստեղծութեան վերամբարձ տրամադրութեան առօրեական կենսականացումն է: Բանաստեղծական թեման կենցաղային գրոյցից վերածում է ազգային-հայրենասիրական կոչի.

*- Չափածոյ կոհն ու՛մ է պէտք,*

*Ու՛մ է պէտք ոխո մտածող:*

*Զէ՛նք է պէտք առնել, հասկացիր,*

*Քո երգը երկիր չի՛ փրկի-*

*Դարձիր դու հիմա Արաքօ.*

*Հրազէ՛ն ցասումդ պրկիր...*

*Մենք ազգ ենք ջանքով յարպտել,*

*Մենք ազգ ենք յոյսից ճառագող,*

*Որ լինենք անկախ՝ մեզ պէտք է*

*Հրազէն դիպուկ կրակորճ:*

Նմանօրինակ կոչերն ու յիշեցումները չունեն յատուկ իրապարակների ու լսարանների անհրաժեշտութիւն, դրանք կարող են հնչել ամէնուր եւ ամէն ժամ: Եթէ այս բանաստեղծութեան մէջ հայրենասիրութեան գաղափարը ներկայացուած է փոքր-ինչ թեթեւ, կատակային տրամադրութեան նրբերանգով, ապա «Մղձաւանջ», «Ոսկէ Սարսափ», «Պոլիս» եւ շատ այլ

գործերում տեսնում ենք մէկ այլ հայրենասիրութիւն, որի պատգամաբերն իր ազգի նահատակների յիշատակը խնկարկող սգացող բանաստեղծն է.

*Վանքը դարձել է սգամայր, պատարագ է հեզում ողբի...*

*Քամին ցրում է մացառին ցնցոփիներ կմախք-որբի՛:*

Ողբասացութեանը զուգահեռ հասունանում է վրէժի ծարաւը. Բանաստեղծը վերածում է ազգային դատին անդրժեւիօրէն հաւատարմագրուած զինուոր-հայի: Մղձաւանջային տենդից արթնացումն անխուսափելի է: Եւ այդ արթնացումի վկայութիւններն են յատկապէս «Մաշտոց», «Ասք Հողի», «Կոչմամբ Գրաբար» պոէմները, ինչպէս եւ շատ բանաստեղծութիւններ:

*Իսկ մարդիկ չեն կարող բնաւ*

*Եղեռնը յաղթութիւն կարծել:*

*Չե՛ն կարող մոռանալ մարդիկ*

*Այսքա՛ն եաթաղան ու... Տէր Ջօր...*

*Ես բոլոր մարդկանց հայեացքում*

*Յատում եմ կարդում ու նզովք՝:*

Վրէժի ու դառնութեան կողքին նաեւ հայի խաղաղ կեցութեան, հոգեկան անդորրաւետ վիճակի նկարագրութիւններն են՝ որպէս շառաչուն բարոյական ապտակ մեզ ազգովին բնաջնջելու ծրագիրը հեղինակած ճիւղերի երեսին.

*Մի լայն տրեւից գլորուեց,*

*Ընկաւ ցօղը սնդիկ:*

*Ուր որ է՝ հիմա մտժը կը ցնդի՝*

*Արարապներս կը երեան,*

*Որպէս Ադամը, որպէս Եան:*

*Իսկ ես...*

*Ոչ մի փեղ չեմ գնայ ես.*

*Այսփեղ կը կանգնեմ ու կը նայեմ:*

*...ուրիշ ու՛ր գնամ...*

*Երբ որ այսփեղից*

*Շուրով, շա՛ր շուրով*

*Արարապներս կը երեան,*

*Որպէս Ադամը, որպէս Եամբ՝:*

Բանաստեղծի խոհական, վերլուծական ոճը տեղ-տեղ դառնում է թեթեւ-խաղացկուն: Կեանքի փոքրիկ ուրախութիւնների անդրադարձումները ընթերցողին կտրում են հոգեկան ծանր ապրումների բեռից ու տեղափոխում անդորրաւետ մի աշխարհ: Այսպիսին են «Իմ Հեզաշուք Կատու», «Դեղձանիկ» բանաստեղծութիւնները:

*Իմ հեզաշուք կարու,*

*Իմ լաւ, իմ խաւով,*

*Ուշիմ փեսնում ես դու*

*Իմ սիրտը ցատու:*

*Նստում ես ու երկար*

*Ինձ վրայ նայում,*

*Հայեացքով իմ փկար*

*Սիրտն ես փայփայում:  
Երբ դառնում եմ յուշիս  
Տանջանքներին գերի,  
Մօտենում ես յուշիկ,  
Փարտում ուրբերիս:  
Գիտես, որ ես որք եմ,  
Չունեմ մարերիմ,  
Որ ես անտեր եմ ու  
Դու ես փերը իմ<sup>0</sup>:*

Բնութեան գոյներն ու զծերը դառնում են բառ, բանաստեղծական քառ-  
եակը՝ բնապատկեր: Հայ բնաշխարհը երգի հանդերձանքով յառնում է ըն-  
թերցողի առջեւ, ու իրապատում հեքիաթի պատկերաշարը լուսէ ուղեծրով  
հրապուրում-կանչում է Դուրեանի տողերից.

*Ծառեր, աշուն է, եւ դուք ձեր վարքով  
Խարոյկներ էք յուզախոյ եւ հեթանոս...  
Եւ այս քամու առջեւ՝ նժոյգածայն վարգող-  
Անզուսպ քրքիչ էք ու խելայեղ հոսք<sup>1</sup>:*

Երբեմն էլ բանաստեղծին պարուրում են իրարամերժ ապրումներն ու  
կասկածները: Նա դառնում է իր հոգեկան ցափի դէմ անզօր, անպաշտպան  
եւ մտերիմ, կարեկից ընկերոջ պէս փորձում է հոգին բացել ինչ-որ մէկի  
առաջ, սիրտը դատարկել՝ զլուխը դրած նրա ուսին.

*Իմ սիրտը անչափ ցատում է, ախպէրս,  
Չեմ ուզում դուրսկող լոյս,  
Ես ոչ թէ գինուց, ես վշտից հարբել եմ,  
Մոլորուել, հարբել եմ լրիւ<sup>2</sup>:*

Սիրոյ թեմային անդրադարձումները բանաստեղծին տեղ-տեղ մերձեց-  
նում են միջնադարեան տաղերգուներին.

*Ա՛խ, նորից դուռդ բացուէր լուսեակի շողքի վրայ,  
Պառկէի նորից քո հին պարսկական գորգի վրայ:  
Մէջքիդ պէս բարակավիզ կոպայով գինի փայլիր,  
Ասէի.- Կենա՛ցր, սէ՛ր: Ու խալ-խալ դու ժպտայիր<sup>3</sup>:*

Աւելի քան եօթասնամեայ տարեգրութեամբ իմաստուն բանաստեղծի  
տողերից ու տողատակերից որսում ենք պատանեկան աշխուժութեան, դե-  
ռափոթի հոգու կենսասիրութեան պոռթկումները, որոնք նրան հարազատ  
եւ ընկալելի են դարձնում տարբեր տարիքի ու հետաքրքրութիւնների տէր  
ընթերցողների համար: Դուրեանի բանաստեղծութիւնը համոզում է մեզ, որ  
բանաստեղծի համար չկայ տարիքային սահմանափակում, որ բանաստեղ-  
ծը ամենածեր տարիքում էլ կարող է յուզուել ու յուզել պատանուն, երիտա-  
սարդին յատուկ ափնով:

ԱՐՄԷՆ ՄԱՐՏԻՐՈՍԵԱՆ (1943-2009)

Արմէն Մարտիրոսեանի քնարերգութեան թեմաները բազմազան են՝  
Հայաստանը, «նորահարսի քօղով» իր քաղաքը՝ Երեւանը, Մեսրոպ Մաշ-  
տոցը՝ իր ծննդավայր Հացիկ գիւղով, բոլոր ժամանակների գրչակիցները,

բանաստեղծութեան վերածուող բառերը, անգամ Արմէն Մարտիրոսեանի ետը՝ ինքն իրեն ծօնուած շարականով, իր երկրին տիրած սատանաները, որոնք սպառնել են Աստուծոյ ողորմածութիւնը մարդու նկատմամբ, ինչպէս վկայակոչում է հետեւեալ քաղուածքը.

*- Դու քո Աստուծոց հիմա մի՛ աղերսիր ոչինչ,  
միեւնոյն է՛ նա քեզ բախտը չի ողորմալու,  
այն, ինչ քալու էր քեզ - շոյալ գրպաններից,  
արդէն բաժանել է սափանային:  
Այս դառնահամ երկրում իշխանութիւն եւ ուժ,  
եւ զօրութիւն  
նա յանձնել է վաղուց սափանային,  
եւ քո բաժին Աստուած օրօրում է քոյսոյ՝  
ողորմութիւն քոտը  
դափարկ գրպանները թափահարելով<sup>4</sup>:*

Արմէն Մարտիրոսեանի քնարերգութիւնն ունի իր անփոփոխ արտայայտչամեթոդները՝ օրօրոց, մանկան ծնունդ, ճօճուող պարաններ, խոր վիհերը կապող շղթաներ, մանկութեան խաղալիք, մոռացութեան քամի եւն.: Ու կան խորհրդանիշեր, որոնք այս հեղինակի գրում նոր երանգ ու ենթախորք են բերում հայ բանաստեղծութեան. ի մասնաւորի՝ մեզ քաջածանօթ տէրեանական մէզ ու մառախուղի երազկոտ-քնարական բովանդակութիւնն Արմէն Մարտիրոսեանի մօտ դառնում է ցասման, չկայացած սպասումներից ծնուած ամբողջի արտայայտչամեթոդ.

*Պատում է մէկից եւ զեզում է ուժգին  
վահանի պէս կարծր մառախուղը,  
երբ բախում է լեռան սուրսայր կապարներին,  
եւ այրեղում մթին արծազանգում է  
զոնգոցը արծաթ,  
եւ ճեղքերից նօսր,  
ինչպէս պիրկ շղթայի օղակների միջից,  
երեսում է հեռում քնած ազապութեան աղօպ ուրուագիծը...  
...եւ Արարապ սարի վիհ ու լանջի վրայ  
մառախուղ է նստում անվերջատր,  
սարը չի երեսում,  
երեսում է հեռում քնած ազապութեան  
աղօպ ուրուագիծը՝  
դարբինների ձեռքով ընդմիջւոյ շղթայակապ<sup>5</sup>:*

Բանաստեղծութիւնը, երգը չնիւթականացնելու, այն ապրանքի չվերածելու դաւանանքին ապաւինելու խոստովանութիւն է «Ունեցած-Չունեցածը Մի երգ էր» բանաստեղծութիւնը:

«Ինքնանկար» բանաստեղծաշարը յիշողութիւնների լուսեղէն շղթայ է գծում, որը բանաստեղծին տանում-հասցնում է իր մանկութեան օրանը ու հագցնում «վերյուշերի շորեր»: Սոնա տատի, նրա նշածել աչքերով հօր ներկայութիւնը ներհիւսուած նորածիններ օրօրող օճախի շնչին, որը տաք

է, ինչպէս երդիկից ծխացող ծուկը, որից նաեւ երկնքում բնակուող նախնիներն են տաքանում՝ ըստ Արմէն Մարտիրոսեանի:

Գրողի համար մահը պայմանական իրողութիւն է, եթէ այն առնչուում է ծնողների անձին: Նա բանաստեղծում է հանգուցեալ մօրն ու հօրը՝ նրանց հետ զրոյցի բռնուելով, ինչպէս կենդանի զրուցակիցների հետ: Ահա հօրը նուիրում մէկ քառատող.

*Ոչ մի գուշակ... ես գիտեմ՝ կը յայտնուես երազում՝  
Հոգուս վրայ ծանրացած ցափ ամպը ցրելու,  
Հայր, ցերեկը հոգսի մէջ, քեզ չեմ փեսնում, չեմ խօսում,  
Դու ցերեկները՝ մեռած, իմ գիշերուայ այցելու<sup>16</sup>:*

Վերը յիշատակուած արտայայտչամիջոցների առատութեամբ է աչքի ընկնում Սիրուշ մօրը նուիրուած բանաստեղծաշարը.

*Առանց քեզ, մայր, հիմա  
յիշողութեան երկար այս պարանիս  
քո լուացքն է փռուած չհաւաքուած եւ չոր:  
Չկտրուի՝ յանկարծ եւ չկորչի՝ յանկարծ  
քեզ հետ կապող  
իմ փեսայի միակ այս պարանը<sup>17</sup>:*

Եւ ինչպէս որ յատուկ է հարազատի մահը իբրեւ որոշակիութիւն չընկալող իրաքանչիւրին, Արմէն Մարտիրոսեանը եւս վերծանում է մօր անդրշիրիմեան առաքելութիւնը.

*... քո հեռաւոր այգում անդրաշխարհի  
դարձեալ նոյնը, նոյնն ես դու անելու,  
դու հեռացար՝ այս ծեր արեգակին կպած  
մեղքի պիսակ<sup>18</sup> եւ քիժ լուանալու<sup>19</sup>:*

Անդրաշխարհի հետ հաղորդակցութիւնները չեն սահմանափակուում արինակից նախնիների շրջանակում: Մարտիրոսեանը յիշում ու իր բանաստեղծութեամբ վերապրեցնում է Չարենցին՝ ոչ մէկ անգամ: Նրան նուիրուած «Մումի Լոյսն է Ելնում Ծիածանի Սովոր» բանաստեղծութիւնը արքայական ծիրանու ոսկեփայլով է օծում նահատակ բանաստեղծի յիշատակը.

*Վերադարձիր դու մեզ՝ որպէս աստեղնային  
արծակուրդից եկած յարդագողի ճամփորդ՝  
բազմած մեր քերթութեան յանրժական սայլին,  
որ ճանապարհ ունի ոտիդ եւ խորդութորդ:  
Եւ ո՛վ գիտի, գուցէ բախտ է աստեղնային,  
որ ճանապարհը քո երկար քեզ չարչարեց,  
որ բարձրանաս հոգսից առօրեական եւ հին,  
իբրեւ կանա՛չ, կանա՛չ, իբրեւ կանա՛չ Չարենց:  
Արքայական միայն գերեզմանի սովոր,  
սովոր եւ կրելու վիշտը արքայաբար,  
մենք հանում ենք մեր մէջ թաղուածներին բոլոր  
եւ բաժանում մարդկանց մագաղաթեայ նշխար<sup>20</sup>:*

Արմէն Մարտիրոսեանի բանաստեղծութեան բնորոշ չէ թեթեւ, խենթա-  
տուն տրամադրութիւնը: Եթէ անգամ սիրոյ թեմային է անդրադառնում,  
դարձեալ մնում է վերլուծողի կեցուածքում.

*... ջահելութեան փրուն խաղալիք է սէրը՝  
սկզբում՝ իր ներքաշող ու բռնկուն բոցով,  
յեպոյ՝ կամաց-կամաց խուլ շիջանող,  
յեպոյ՝ կամաց-կամաց մանրափշուր ջարդոտող:  
Ես կանգնել եմ սիրոյ փլատակի կողքին՝  
եւ թեաթափ խոնարհ, եւ գլխկոր՝:*

Բայց դատողութեան անքննելի ուժին ի հակակշիռ՝ Մարտիրոսեանի  
քնարական հերոսը ծարափ է արկածների սիրոյ դաշտում, եւ մարտահրա-  
ւեր է նետում ասես կեանքին՝ պատրաստ ինքնայրումի.

*Բայց դու արի նորից, իմ ծերութեան աղջիկ,  
քեզ կանչում եմ այրուող ոսկորներիս ճիչով,  
թող մոխրանամ մէկից ճարճափունով վերջին,  
իսկ դու - դեռ փառ - քայլիր մոխիրներիս միջով<sup>22</sup>:*

Բնապատկերն այս հեղինակի մօտ սոսկ պատկեր չէ, այլ բնութեան  
շարժումն ու փոխակերպումները վաւերացնող գեղագրութիւն.

*Լեռան լանջերին գարունը կանաչ շափղ է բացել,  
որը ձուլում է հորիզոններին:  
Թփերի խորքում միայնակ քամին քաղցից դողում է  
եւ հասուն միրգ է որոնում ընկած փերեւների մէջ  
եւ փոքրիկ սունկեր:  
Թէ մերկ չլինէր քամին եւ քաղցած,  
այս փերեւները չէին պոկուելու,  
եւ չէր բացուելու շափղը գարնան<sup>23</sup>:*

Մարտիրոսեանի բանաստեղծութիւնը ներկայի շարունակականութեան  
երգանքին է հետամուտ, ու թէեւ օրը նրան ներկայանում է իբրեւ «տաճար  
- հագած մութի սքեմը սուրբ», այսուհանդերձ նա սպասում է իրենից յետոյ  
տաճար եկող ուխտատուին, որը պիտի նիւթականացնի իր ականկալած շա-  
րունակականութիւնը.

*...ամէն ապրող, ամէն մեռած զարթնել քնից  
ու կանգնել է փաճար փանող խուլ հերթերում:  
Եւ ես լուսնոր ու դիւահար այդ ամբոխի  
վերջը պահած սպասում եմ բախտին հլու,  
կեանքի, մահուան մշտաճիւղով հերթափոխի:  
Որ չլռեն զանգակները՝ անայցելու,  
ո՞վ կը զարթնի - ինձ պէս լուսնոյ այդ թափօրի  
անդարձ հերթի վերջը ինձնից հարցնելու<sup>24</sup>:*

Մարտիրոսեանի քնարերգութիւնը բազմադարեայ ժամանակների մի-  
ջով կատարուող ճանապարհորդութիւն է յիշեցնում, որի կայանները տար-  
բեր են՝ թէ՛ ժամանակացոյցով, թէ՛ իրավիճակներով, թէ՛ տրամադրութիւն-  
ներով: Ոչ-հազուադէպ հանդիպող յուսալքումի, յոռետեսութեան նշանները,  
այնտամենայնիւ, նահանջում են ապագայի հանդէպ ունեցած նրա

հաւատի առջեւ, ինչի մի վկայութիւն էլ հենց վերջին մէջբերումն է, որում բանաստեղծը լիայոյս է, թէ կեանքի ու մահուան հերթափոխի մէջ ինչ-որ մէկն անպայման գալու ու կանգնելու է իրենից յետոյ:

### ՅՈՎՀԱՆՆԷՍ ԳՐԻԳՈՐԵԱՆ (1945-2013)

Յովհաննէս Գրիգորեանի բանաստեղծութեան մէջ գերիշխող է ծաղրը. նրա երգիծական ծաղկումներն ասես երկասյրի են, քանզի դրանք յետ-հարուածով գալիս-խփում է իրեն՝ հարուածողին: Իր ապրած ժամանակն ու իրականութիւնն են այդպիսին. սովորական մարդը, առանել եւս հայ մարդը յայտնուել է խառնաշփոթի թիրախում, եւ դրա շուրջ դառն խորհրդածու-ները հետապնդում են գրողին: Գրիգորեանի սուր խօսքի ու հեգնտո ժպի-տի տակ անթաքոյց է նուրբ զգայութիւնների ներաշխարհը: Ամենափխ-րունը մարդկային սիրտն է, որը պարտադրուած է դիմակայել բոլոր աղէտներին: Բազմաթիւ հարուածներից բեկուած սրտով բանաստեղծն ապրում է համատարած տխրութեան թանձրոյթում, աշնան գերիսիտ կեն-սատարածութեան մէջ: Նա որոնում է երջանկութիւն, թէւ կանխաւ գիտի, թէ որքան խուսափուկ է այն.

*Դժուար է երջանկութիւնը պահել երկու ձեռքով,  
երբ աչքերիդ մէջ արցունքի կաթիլներ կան<sup>25</sup>:*

Բայց թերթում եւ նրա բանաստեղծական գրի էջերն ու գտնում երջան-կութիւն ասուածի իր սահմանումները: Այն ներկայանում է հայրենիքի ու ծնողների տեսքով, որոնց հանդէպ գրողի կեցուածքը որդիական է ու հայրական, հովանաւորեալի է ու հովանաւորողի: Գրիգորեանն իր հոր եւ մօր կերպարները զծում է մեծ զգացմունքով, հնչեցնում հոր արտասովոր պատգամը, որն անգամ դարձել է ժողովածուի վերնագիր. «Երբեք Չմեռնես - Ահա Թէ Ինչ Կ'ասես Քեզ»:

Մի անբացատրելի քնքշութեամբ է քնարերգում Գրիգորեանն իր փոք-րիկ, մանրակերտի չափ շօշափելի հայրենիքը.

*Սա իմ երկիրն է - չափսերով այնպիսին,*

*որ կարող եմ վերցնել հետս,*

*թէ մի հեռու փեղ գնամ:*

*Փոքրիկ, ինչպէս ծերացած մայր,*

*փոքրիկ, ինչպէս նորածին զաւակ,*

*իսկ քարտէզի վրայ*

*ընդամէնը արցունքի մի կաթիլ...*

*Սա իմ երկիրն է - չափսերով այնպիսին,*

*որ ազափորէն փեղաւորել եմ սրփիս մէջ,*

*որ չկորցնեմ յանկարծ...<sup>26</sup>:*

Սրտաչափ, «նորածնի բարուրի» նման Հայաստանը տիեզերական սի-րոյ չափումների մէջ է, եւ նրան ուղղուած ներքողները Գրիգորեանը երգում է յոտնկայս ու հպարտ: Բայց եւ չի մոռանում այդ կծկուած-փոքրացածի լայ-նարձակ ու յաղթական անցեալը յիշել, նաեւ իրեն բնորոշ երգիծանքով բնութագրել ներկան.

*Ուղիղ մի կօշիկի չափ երկիր՝ ահա թէ ինչ էր մնացել  
նախկին բաաականին ընդարձակ Հայաստանից.  
ընդամենը մի, այն էլ 29,8 համարի կօշիկի չափ երկիր,  
եւ երկար փասնամեակներ արագիյի նման  
մի ուրի վրայ ցցուած ժողովուրդ,  
որն ահա արդէն երկու փասնամեակ է, ինչ պայքարում է  
եւ մի կօշիկի չափ փարածութեան համար,  
որպէսզի, ի վերջոյ, կարողանայ միւս բոլոր  
ժողովուրդների նման  
երկու ուրբով կանգնել  
մայր հողին<sup>27</sup>:*

Հայրենիքի նորօրեայ փորձութիւնների մէջ Գրիգորեանի բանաստեղծութեան մէջ առաւել ցաւագին տրոփում է արտագաղթ-աղէտի թեման: Գրիգորեանը «քամուց քշուած» իր հայրենակիցների համար երագում է հաստատուն հանգրուան, որի խարխլուած հիմքերի պատճառներն է նաեւ ցուցանում իր սուր տողերում.

*20րդ դարի վերջին, ժամը 16ն անց 15 րոպէին,  
հայ ժողովուրդը դուրս է եկել իր հայրենիքից  
եւ այլեւ չի վերադարձել...  
Արտաքին նշանները՝ բազմադարեան, բազմաչարչար,  
փառանդատր, աշխատասէր, համբերատար,  
աչքերի մէջ անսահման թախիծ,  
սիրտը կոտորուած մի քանի փեղից...  
Տեսողներին խնդրում ենք  
շտապ այսփնել պառլամենտ,  
որին մի քանի օրով ժողովուրդ է հարկատր  
նոր ընտրութիւնների համար...<sup>28</sup>:*

Հասարակական-քաղաքական կնճռոտ խնդիրներին անդրադարձները բացում են բազում փակագծեր, հասկանալի է դառնում արտագաղթի եւ այն ամբողջ վայրիվերումների պատճառը, որից կախուած՝ անզօր ճօճում է անկախութեան ժամանակաշրջան ապրող հայ ժողովուրդը:

Պատերազմական թատերաբեմի վերածուած երկրագնդի ճակատագիրը տնօրինող բախտախնդիրների լպիրշութիւնը ստանում է հակիրճ ու դիպուկ գնահատական: Հայաստանը, աշխարհն առհասարակ երկու մեծ ջրբաժանով սահմանագատուած են. մի կողմում հարուստներն ու անձեռնմխելիներն են, միւսում՝ մարդիկ: Եւ այս հակամարտողների անհասարկ պայքարը սպառնում է համատարած անբաժութեամբ ու ամայութեամբ, որից չի փրկուելու ոչ ոք: Թէեւ բանաստեղծի մտազննումները ծաւալում են աշխարհաքաղաքական ենթահողում, այդուհանդերձ նրա սիրտը առաւել ուժգին է բաբախում հայաստանեան թեմաների տիրոյթում: Մեզ մօտ ամէն բան իւրօրինակ է, անգամ ինքնասպանութիւնների ժամանակագրութիւնը՝ տնտեսական ճգնաժամի պայմաններում.

*Ինչպիսի՞ խայտառակութիւն - մինչ ամբողջ*

*քաղաքակիրթ աշխարհում միլիարդա եւ  
միլիոնավերեւն են ինքնասպանութիւն գործում,  
մեզ մօտ դեռ թշուառներն ու ընչազուրկներն են  
շարունակում իրենց նեւրել Կիւեւան  
եւ զանազան այլ կամուրջներից ներքեւ...<sup>29</sup>:*

Մեր իրականութիւնն առաւելագոյնս է խեղուած, մենք մաքսատուրների ու ջիպատուրների<sup>30</sup> նորայայտ ցեղատեսակի զոհերն ենք.

*...Սահմանային անցակէտում մեր մաքսատուրները  
կալանատուրել են հարեան երկրի  
ազգութեամբ հայ երկու բնակչի,  
որոնք փորձել էին իրենց սրտերում թաքցրած  
մեծ քանակութեամբ սէր ու կարօտ  
անցկացնել Հայաստան՝ առանց մաքսազերծելու...<sup>31</sup>:*

Յովհաննէս Գրիգորեանի բառապաշարը խիստ կենսունակ է ու արդիական, նրա բանաստեղծութեան գաղափարական խորութիւնն ու խօսքի մակերեսային եզրոյթները ներդաշնակօրէն համադրելի են:

Այս բանաստեղծը կեանքի վերջին շրջանն ապրեց մահուան անխուսափելիութեան գիտակցումով եւ գրեց իր համակերպումի, մօտալուտ մահուանն ընդառաջ գնալու զգացողութիւնների մասին, փիլիսոփայօրէն հաշտուեց եւ անգամ երկխօսեց նրա հետ: Մահը նրա բանաստեղծութիւններում ներկայանում է որպէս թեմա ու ենթաթեմա՝ շաղախուած սիրոյ, հայրութեան ճակատագրի, աստուածային իրողութիւնների նիւթին: Եւ ինչ խօսք, զուարճաբանի, ինքնաձաղկողի ոճը մնում է հաստատուան, ծիծաղելու եւ ծիծաղեցնելու վարպետութիւնը՝ նոյնպէս.

*Ոչ դժոխքի ճամփան գիտեմ,- ասացի,- եւ ոչ էլ Դրախտի,  
եսիմ ոտ է տանում այս գնացքը վերջին, բայց, դէ,  
հոգուս խորքում դեռ յոյսը չի մարել, որ գուցէ  
Քաարան ընկնեմ, իվերջոյ, մեղալ ունեմ Խորենացո՞ւ<sup>32</sup>:*

Ապշեցուցիչ սառնասրտութեամբ սեփական մահը նախագծող բանաստեղծը, միեւնոյն է, ունի իր յետմահու անհանգստութիւնը, որը տրոփուն երակի նման առկայ է որջ բանաստեղծութեան մէջ. նա անվերջ անդրադառնում ու քչփորում է հայոց ճակատագրական խնդիրներն ու մերկապարանոց, քաղաքականացուած խօսքի սահմանագծերում յանգում համաժամանակեայ եզրակացութեան.

*...անշարժ պատկել ես սեղանի վրայ,  
այդպէս էլ չիմանալով, թէ ինչով կ'աւարտուն  
հայ-թուրքական բանակցութիւնները,  
կը բացուե՞ն սահմանները, թէ՞ ոչ...  
Թէ՛ս, ճիշտն ասած, դէմքիդ արտայայտութիւնից  
պարզ զգացում է, որ խաչ ես քաշել  
այդ հարցի վրայ եւ ձեռքերդ կրծքիդ խաչած,  
վստահ, որ ամէն ինչ նոյնն է մնալու  
այս հեամաշ հողի վրայ,*

*հեռանում ես մեզանից - մեր ունեցած  
միակ բաց ու ազափ ճանապարհով,  
որը երկինք է փանում...<sup>33</sup>:*

Երկնքի ու Աստծոյ հետ էլ երկխօսելու իր կերպն ունի Յովհաննէս Գրիգորեանը: Այս դէպքում նա հետաքրքրասէր է, զարմացող, հետազօտող, անգամ կարեկցող:

*Եւ նայելով խառնամբոխի այս յարածուն հեղեղին,  
մեր Տէրը, որ միակ փռոտապողն էր  
բոլոր աստուածների մէջ,  
կը դառնայ նաեւ յուսահատածը միակ,  
թափ կը փայ ձեռքը,  
կը շրջուի ու կը հեռանայ գլխահակ...  
Եւ պատմութիւնը, որի սկզբում խօսքն էր,  
կ'աւարտուի ծանր,  
չափազանց ծանր լուսութեամբ<sup>34</sup>:*

Այդ լուսութիւնը, իհարկէ, կը ճեղքուի բանաստեղծի անխուսափելի հետաքրքրասիրութեամբ.

*Եւ հիմա, Տէր իմ, երբ ժամանակն է հաշտութեան  
այս ամէնից բաժանուելու մրքի հետ չարագուշակ,  
չընկնեմ հոգսերով եւ չմոռանամ հարցնել,  
թէ այդ ի՞նչ զօրութեամբ ու հմտութեամբ ես կարողացել  
արարել այս ամէնը  
ընդամէնը մի շաբաթում,  
որ այս էլ քանի հազար փրփի է  
մենք՝ քո իսկ յօրինած մարդ-արարածներս,  
քանդում ու աներում ենք,  
ու ծայրը դեռ չի երեւում...<sup>35</sup>:*

Փիլիսոփայելու, անըմբռնելիւն ըմբռնելու ճիգով բանաստեղծն անդրադառնում է թագատրոների, երկրաշարժների, բանաստեղծների, սիրոյ եւ այլ թեմաների: Ամենայուզական իրողութիւնը՝ սէրը, կարողանում է համադրել չափազանց առտնին, գետնամած նիւթին, համոզել, որ սա այն մարտահաշտն է, որտեղ բոլորը կուում ու յարթում են միեւնոյն գէնքով եւ պարտում նոյնքան ցաւագին, մի բան, որ լաւագոյն արտայայտուած է «Գեղարուեստական Միջոցառում Կանանց Գաղութում» բանաստեղծութեան մէջ:

*Աշուն է: Բանտարկեալների համար սիրային եւ յարկապէս  
բաժանման բանաստեղծութիւններ կարդալու  
լաւագոյն ժամանակը:*

*Եւ ահա, սէր իմ, ես յիշեցի քեզ եւ կարդացի մեր կարճափոխ  
հանդիպման եւ երկարափոխ բաժանման, հեռատր աշնան մասին,  
երբ ծառերը սովորականից շուր փերեաթափուցին, եւ ես  
թեթեւ հագնուած յանկարծ խորացայ ձիւն ու ծմեռուայ մէջ  
եւ այլեւս չվերադարձայ... Յուզմունքից խզուած ծայնով  
կարդում էի, եւ արցունքները գեպի պէս հոսում էին  
աչքերիցս, եւ յանկարծ նկատեցի, որ բարձր, ծայնը*

գլուխները գցած, առանց ամաչելու լալիս են նաև գոյզգոյն լաչակատր մարդասպանները, գողերը, աազակները... Սովորական կանայք, որոնց, արդէն գիտէք՝ որպեղ կարելի է հանդիպել...  
Աշուն է: Առանց ամաչելու: Բարձր: Ձայնը գլուխը գցած լաց լինելու լաազոյն ժամանակը<sup>36</sup>:

Յովհաննէս Գրիգորեանը զուարճաբանի, կատակախօսի արտաքին շերտի տակ քողարկում է անհուն տառապանքը, իրականութեան ողբերգականութիւնը: Նա ե՛լ իր երկրի ու ժողովրդի, ե՛լ իր անձնական ցափ նկատմամբ չպարտտողի, չընկճուողի կեցուածքն է ընդունել՝ որպէս հակադարձում: Եւ ընթերցողը ոչ մի դէպքում չի կասկածում գրողի անկեղծութեան:

#### ՀՐԱԶԵԱՅ ՍԱՐՈՒԿՄԱՆ (1947-2016)

Հրաչեայ Սարուխանի բանաստեղծութիւնը նման է աղօթարանի, որը ծայր է առնում հայրենական ակունքներից: Նա հոգեկից է բոլոր մեծերին՝ Գողթան երգիչներ, Նարեկացի, Թումանեան, Ջիւանի, Տէրեան, Չարենց, Մահարի, Սեաակ, Գալշոյեան, Ջահրատ, Մաթետսեան... ու նաեւ՝ Դանթէ, Լորկա, Դոստոեւսկի, Կերկեգոր, Բասէօ...

Սարուխանի բանաստեղծութիւնը սնում է սիրոյ պարեցնող երակից: Եւ սէրը հաւասարապէս քնքուշ ու անձնատրուած է թէ՛ կնոջ, թէ՛ բնութեան, թէ՛ տիեզերքի, թէ՛ Երեւանի, թէ՛ Վանաձորի, թէ՛ որոշակիութիւն ու եզրեր չճանաչող աշխարհի հանդէպ.

*Ահա՛ Կերքը հեզանիսց:*

*Ահա՛ Սկիզբն անվախճան...*

*Չքանում ենք թեզանից*

*Ու յայտնում, Աշխա՛րհ ջան՝:*

Բանաստեղծը բարձրաճաշակ յանգեր է կերտում ու նոյնքան բարձր ճաշակով հաղորդակցում է ընթերցողի հետ սպիտակ տողերով: Թղթին է յանձնում ոսկեղենիկ մայրենիի ամենագողտրիկ ու վերամբարձ գանձերը ու միեւնոյն տողի, միեւնոյն բառակապակցութեան մէջ դրանց անսպասելիորէն զուգարդում ամենակենցաղային, ամենաչոր բառ-եզրոյթը՝ քնաւ չառաջացնելով աններդաշնակութեան, անյարիրութեան զգացողութիւնը, որ կարող էր ենթադրուել նման դէպքերում.

*Որպե՛րդ ես շնանում, խե՛ւ իմ մահ,*

*Մի լուր փոյր՝ սթափ ես, թէ՛ լակած...*

*Լռութիւնն ինձ խոցեց, եւ հիմա*

*ժխորի գերին եմ լռակեաց...<sup>38</sup>:*

Սարուխանի քնարն ունի իր մշտամնայ հերոսը՝ արբեմուլը: Չգիտես՝ ինչի՞ց է նա արբել. գինու՞ց, սիրու՞ց, ցափ՞ց, կեանքի՞ց, թէ՞...: Եւ նոյնքան անհասկանալի ու անպարփակ է բանաստեղծի վերաբերմունքն իր քնարական հերոսի նկատմամբ՝ համակրա՞նք է, կարեկցա՞նք, հեզնա՞նք, չարանդութիւ՞ն, համակերպու՞մ, համերաշխութիւ՞ն, թէ՛ պարզապէս հոգեկե-

ցութիւն: Սա ասես մի առեղծուած է, որի բանալին մեր՝ ընթերցողներին ձեռքին է, եւ Սարուխան մարդն ու բանաստեղծը մարտահրաւէր են նետում մեր երեւակայութեանն ու մտքին.

*Գնում էր:*

*Քրթմնջում ինքն իրեն:*

*Ոչ ձեռք կար,*

*Ոչ հին օր,*

*Ոչ կեպի...*

*Աշխարհում մի կէտր կար ինքնուրոյն,*

*եւ ինքը... միջո՞ւկն էր այդ կէտի<sup>39</sup>:*

Բանաստեղծի գլխաւոր արտայայտչամիջոցը գեղարուեստական պատկերն է: Պատահական չեն Ռոսլինի, Ռաֆայէլի, Լէոնարդոյի ոգեկոչումները եւ նրանց հետ պատկերային հոգեկեցութեան շերտերի ընդհանրութիւնը նրա բանաստեղծութեան: Շատ յաճախ Հրաչեայ Սարուխանի գիրը պարզապէս դառնում է գեղանկար.

*Արտասուքի նման ժամն ընկնում է,*

*Ու այգիներն է սրբում կէսգիշերը<sup>40</sup>:*

Պատկերներն իհարկէ ինքնանպատակ չեն, դրանք բանաստեղծի ապրումի ու խոհի թարգմանն են: Բանաստեղծութիւնը կարդալիս նախ նկատում են պատկերը, հիանում ու ներշնչւում դրանով, ապա սուզում այն անյատակ խորութիւնները, որոնք բանաստեղծը թաքցրել է այդ գեղեցիկ պատեանից ներս:

«Ներկայացում» ենթավերնագրով «Անհեթեթ Երկիր» պոէմը խորհրդային անցեալի մոայլախորհուրդ ողիսականն է, երբ սեւ թանաքով ճերմակ թղթի վրայ զարմանալի անկեղծութեամբ ստեր յորինելը օրինաչափ էր ու հրամայական, երբ մարդկանց վրայ կախում էր առանց յիշողութեան մեռնելու անէծքը, երբ դժուար էր Աստծուն արթնացնելը կամ յորինելը, երբ մարդկանց ստուերներից ահաբեկում էր անգամ սատանան.

*Դժուար է յորինել*

*Եւ դժուար է արթնացնել Աստծուն:*

*Նստարանները, որ թեք են դրոսած,*

*Կը ձգուեն մի ուղղութեամբ,*

*եւ չարչարուած երեկոն*

*Կը հանգստանայ մեր աչքերում:*

*Եւ փոշու պէս կը ցրուեն բոլոր կասկածները,*

*Երբ մեր ստուերները*

*Ստանային ահաբեկեն թիւերի մէջ<sup>41</sup>:*

Իհարկէ, այսպիսի իրականութիւնը քիչ հիմքեր է տալիս լաւատեսութեան համար, սակայն բանաստեղծը չի կորցնում լոյսին հասնելու յոյսը.

*Դիմակների վրայով*

*Լռութիւնը քարշ տրուեց յոգնած ուրբերը,*

*եւ սենեակի հինգերորդ անկիւնում*

*Լոյսը վառուեց<sup>42</sup>:*

Հրաչեայ Սարուխանին իրաամբ կարելի է կոչել բառերի գիտարար: Կարդում ես նրա յօրինած բառերը, բառակապակցությունները եւ զարմանում, թէ ինչպէս անելի շուտ չեն գտնուել ու կիրառուել դրանք. այնքա՞ն հայերէն են, այնքա՞ն ճիշտ ու դիպուկ, որ հնարատր չէ փոխարինել ուրիշներով (գրահարս, անխորհրդավարժ, չանուանալքութիւ, մերկամնայ, օտարահոտ, այլաւագ, կերպակալել, աչքալոյծ, կուսախտ, ճպոսճաղանջ, խաչանաւ, սովետալուրջ, օրուայ մնանիւթ, խաչաչարչար օրեր, յուպայապաչ համբոյր, սատանապտուկ ստինքներ, լուսածեմութեան եռանդ, էահուլով գոյարան են.): Արտասովոր է նաեւ խօսքիմասային գիտերի շարքը, որ հաւանաբար լեզուաբանական բանածետումի կարիք է զգում անձնորանիկ, անՆժդեհ, անՌիալտօ եւ այսպէս շարունակ:

Սարուխանի բանաստեղծութիւնն ասես հին յունական դիցարանից մինչեւ Աստուածաշունչ, Նոյ ու «Հայր Մեր» ընդգրկող աղօթարան է: Գուցէ ինձ մեղադրեն բանաստեղծի աշխարհընդգրկումը նեղացնելու համար, բայց իմ խորին համոզմամբ սարուխանական աղօթքները մեկուսի ու փոքրիկ մատուռների համար են, ոչ թէ մարմարակերտ, մեծագմբէթ եկեղեցիների: Ահա «Կրկնաղերս» բանաստեղծութեան քառատողը.

- *Տէ՛ր, իմ Տանը թող ինձ, որ սրտով իմ գառնուկ  
Մաքաղացու լինեմ, ոչ թէ եսիր,  
Որ գծիկի տեղում էջմիածին-Գառնու  
Հայոց ոգին յառնի խաչապետիլ...<sup>43</sup>.*

Անկայտ է, որ Հրաչեայ Սարուխանը հայ դասական քնարերգուների գիծն է շարունակում հայ գրականութեան մէջ՝ չկրկնելով, այդուհանդերձ, նրանց անցած ուղին: Նա ասանդական բովանդակութեանն ու բանաստեղծաշինութեանը մօտեցել է ստեղծագործաբար՝ իր ոճն ու բառանիւթը, իր գրողական երկնումի կերպն ստեղծելով հայ բանաստեղծութեան բազմադարեայ ընթացքի հոլովոյթում:

#### ՀՐԱՉԵԱՅ ԹԱՄՐԱԶԵԱՆ (1953-2016)

Հրաչեայ Թամրազեանի վերջին շրջանի բանաստեղծութիւնները տպագրուեցին նրա մահից յետոյ՝ *Շղթայուած Օրեր* ժողովածուում: Ծանր հիւանդութիւնը, անխուսափելի մահուան գիտակցութիւնը, բնականաբար, պայմանաւորել են այս բանաստեղծութիւնների ասելիքն ու տրամադրութիւնը: Մահ երեւոյթը յաճախ որոշակի ու բառացի ներկայութիւն չէ այս բանաստեղծութիւններում, սակայն դրանցում ամփոփուած խոհաշարը դրա մօտալուտ ու անթաքոյց լինելութիւնն է յուշում:

• *Դեղաբոսներին գրուած բառերով  
Միքեանի օրում ես ձեզ կը բուժեմ,  
Բոլոր հաբերը հիմա անելորդ,  
Ներարկումները արդէն անուժ են:  
Յեպոյ բառերն այդ երգեր կը դառնան,  
Ինչպէս որ մինչեւ այսօր են դարձել -  
Ու ես նրանց հետ կը վերադառնամ,*

*Այսպէս շարերն են եկել ու անցել<sup>44</sup>:*

Սեփական մահը Թամրազեանի բանաստեղծութեամբ ներկայանում է ոչ թէ իբրեւ դատաւճիռ, այլ մի ընդհանուր օրինաչափութիւն, իբրեւ անխուսափելիութիւն: Եւ այդ անխուսափելիի սպասման մէջ բանաստեղծն ասես մի գերակայ նպատակ ունի՝ իր ու ընթերցողի համար սահմանել բառի, երգի, օրոտայ, աշխարհի խորհուրդները: Թամրազեանի քնարական հերոսը ո՛չ ողբերգակի, ո՛չ երգիծաբանի, ո՛չ դատապարտողի, ո՛չ դատապարտուածի է նման, ինչպէս յաճախ լինում է մահուան գաղափարին անդրադարձող բանաստեղծների պարագայում: Հրաչեայ Թամրազեանը մտածող է, փիլիսոփայ, որն իմաստնօրէն տնտղում է իր ու առհասարակ մարդ արարածի՝ վերջնագծին հասնելու եւ այն հատելու իրողութիւնները:

*Ու կիզակէտը ամէնի Նա է-*

*Ու այրում է թեզ փոսնչն անկարելի,*

*Թէ ինչպէ՞ս պիտի Արարչին նայես,*

*Երբ անկարող ես նայել արեւիս<sup>45</sup>:*

Ասես ինքն իր հետ մէնակ է բանաստեղծը ու ոչ էլ ունի մէնակ չլինելու պահանջը: Նա օտարում է իր եսից, կողմնակի հայեացքով զննում այդ եսն ու ինքն իր համար պատմում նրանից ստացած տպատրութիւնների մասին: Երկատուած մի անձ է Թամրազեանի հերոսը, որի՝ իրարից զատուած երկու եսերը զննում-ուսումնասիրում են միմեանց, փորձում գոյակցել, ընդհանուր եզրեր գտնել, մտերմանալ, միաձուլուել: Բայց այդ միաձուլումը կատարում է ոչ-յաճախ. հիմնականում նրանք ընթանում են զուգահեռ, կողք կողքի:

*Մի օր ինքն իրեն - ասես հպանցիկ,*

*Հին օրագիրը ասես բացելիս՝*

*Դու թեզ փոսնում ես թեզնից առանձին՝*

*Քո իսկ սպուների կողքով անցնելիս<sup>46</sup>:*

Բացառիկ դէպքերում հիւանդութիւնը, ֆիզիկական տենդը առարկայատում են, դառնում շօշափելի ներկայութիւն.

*Այսօր ես կանուխ արթնացայ ընից,*

*Ու սպասում են ինձ դեղահաբերն*

*Ու սրուակները - պիտի կրկնուի*

*Այս ամէնօրեայ վարժանքը - ապրե՛լ,*

*Կրկին շողկապել օրերն անհաղորդ,*

*Հանգուցել մրքի թէլը կտրուած:*

*Կարկապել կեանքը ամէն առաւօր.*

*Իբրեւ հափուցում այս է մեզ փրուած<sup>47</sup>:*

Թամրազեանի բանաստեղծական աշխարհը կառուցուած է խորիրդանիշերից: Կարօտ, դիմակ, օրեր, ուրուական, արծան, բառ, սպիտակ թուղթ, հոգի, մարմին, երգ, քաղաք, վարագոյր, յիշողութիւն եւ այլ երեւոյթներ նրա մօտ վերացարկուելով իրենց որոշակիութիւնից, ներկայանում են իբրեւ բազմախորհուրդ, բազմաշերտ իմաստաբանութիւններ: Վարագոյրն, օրինակ, երկու անսահմանութիւն իրարից զատող խորիրդանշան է, մարմինն

ու հոգին՝ մե՛րթ միաճուլուող, մե՛րթ (եւ առաւել յաճախ) տարանջատուող, հակադրուող եզրագծեր են, յիշողութիւնը տարուբերում է կեանքի, նախակեանքի, յետկեանքի տիրոյթներում՝ չգտնելով հաստատուն տեղ ու հանգրուան բանաստեղծի մտածումներում, քաղաքը բանաստեղծի եսի հետ նոյնականացող երեւոյթ է, օրը՝ ողջ կեանքի խտացում-խորհրդանիշ:

*Օրը ծգուեց - իրքեւ պարան  
Ու ամէն ինչ իր մէջ առաւ,  
Յեւոյ դարձաւ օճագալար,  
Յեւոյ դարձաւ մի մղձաւանջ...  
...գալարուելով եկաւ հետուից  
Ու կին դարձաւ ու կողակից,  
Վերջում կառչեց մահուան կեռից,  
Վերջում կախուեց իր օղակից<sup>68</sup>:*

Ներանձնական պատկերների գերիշխանութիւնը տեղ-տեղ զիջում է արտաքին ազդակների պարտադրանքին: Բանաստեղծը, ինչ ֆիզիկական եւ հոգեկան վիճակում էլ որ լինի, մնում է գեղագէտ, դիտորդ, պատկերատորող, յօրինող: Թամրագեանն այդպէս պատկերում ու վերծանում է ծինը, քամին, աշխարհը, Փարիզ քաղաքը.

*Խումնապահար է եղել այս քաղաքը ծակտրկէն,  
Քամիներն են կարկապում կարկապահար վերարկուն,  
Մուրացիկներն են փորձում իր մերկ մարմինը կոծկել,  
Յեւոյ միայն ծակծկուած այդ վերարկուն են հազնում,  
Որ փայլեր է արծակում, շողշողում է արեւից,  
Իսկ քիչ յեւոյ թիկնոցն իր անձրեւներն են լուանում<sup>69</sup>:*

Ներանձնական յոյգերի աշխարհը լքելու մի ազդակ էլ 2016ի ապրիլեան քառօրեայ պատերազմն է դարձել բանաստեղծի համար: Այս թեմայով գրուած գործերում սեփական ցաւից, անձնական ողբերգութիւնից օտարուել է բանաստեղծը եւ տրուել հայրենիքի, ազգի, հայի պատմական ճակատագրի շուրջ խորհրդածումներին ու եզրայանգումներին.

*Ամէն ինչի մէջ մահն է խառնուած,  
Ամէն ինչի հետ մահն է մահանում,  
Նա կենաց ծիրի մէջ է առնուած  
Նա հեռանում է ու վերադառնում<sup>70</sup>:*

Որքան էլ որ Հրաչեայ Թամրագեանի բանաստեղծութեան մէջ գերակայ է գաղափարական, վերլուծական շերտը, այդուհանդերձ, նա տրում է բաների, բանաստեղծական գիտերի մոգութեանն ու յօրինում ճշգրիտ, անքննելի եզրոյթներ (յարաձեւութիւն, անցահուն, թուախրձեր, յուշաշխարհներ, նօթրանիւթ, անժամութիւն, թողլքել, օդաքար, թուաշխարհ, հոգեքնար են.):

Թամրագեանի մօտ դժուար է զատորոշել բնաստեղծական պատկերը խոհից, բառախաղն ու հնչիւնախաղը՝ ներանձնական ապրումից: Նրա մտածողողութիւնը միագիծ չէ, երբեմն կարդում ես բանաստեղծութիւնն ու որսում գաղափարի, բովանդակութեան երկսայրիութեան նշաններ:

Թամրազեանն իր բանաստեղծութիւններով նաեւ փորձել է յիշատակի տուրք մատուցել մահկանացուների աշխարհն իրենից առաջ լքած գրչակիցներին՝ Սամուէլ Մկրտչեանին, Լեւոն Խեչոյեանին, Տանիա Յովհաննիսեանին, Հրաչեայ Սարուխանին, նաեւ՝ Արշիլ Գորկուն:

Հրաչեայ Թամրազեանը բանաստեղծում է յանգերով: Աւանդական ձեւի մէջ մատուցում է նորօրեայ բովանդակութիւն: Սովորաբար նման բովանդակութեան գործերը ժամանակակից բանաստեղծներից շատերը գրում են արձակ բանաստեղծութեամբ: Այնինչ Թամրազեանն ասես սկզբունքօրէն ապաւինել է պահպանողականութեանը, վճռել տուրք չտալ օրուայ անցողիկ հրամայականին. թերեւս սա էլ բանաստեղծական իւրօրինակ կամակորութիւն ու խաղ կարելի է դիտարկել: Եւ որպէսզի արձակ բանաստեղծութիւն կառուցելու վարպետութեան հարցում կասկածի տեղիք չտայ, այնուամենայնիւ, նաեւ այդպէս է գրում: Եւ ոչ այն պատճառով, որ բանաստեղծութեան բովանդակութիւնն ու բառանիւթն են դա պարտադրում, այլ որովհետեւ այդ պահին դա է ներշնչանքի թելադրանքը.

*Մարդկային հայեացքն ամենապիտուր գոյութիւնն է աշխարհում,  
մէնատր մի ոգի, որը դուրս է գալիս վաղ առաւօտեան  
ու այլեւս երբեք չի վերադառնում...<sup>51</sup>:*

Հրաչեայ Թամրազեանն իր քնարերգութեան մէջ որքան էլ որ տուրք է տալիս միայնութեան, մեկուսացումի, ինքնամփոփուելու մղումներին, այդուհանդերձ չի կարողանում պատնէշել ինքն իրեն արտաքին աշխարհի անցուդարձերից, ի մասնատրի՝ ազգային ճակատագրին վերաբերող խնդիրներից: Պարզապէս սա մի բանաստեղծ է, որին բնորոշ չէ իր ներաշխարհից դուրս կատարուողին բարձրաձայն շեփոորումներով արծագանգելը: Ինչպէս որ սեփական ցան է ապրում նա խաղաղ, անցնցում զգացողութիւնների մէջ, այնպէս էլ իրենից դուրս եղածին է արծագանգում նոյն հոգեբանութեամբ:

#### ԱՐՏԱԿ ՀԱՄԲԱՐՁՈՒՄԵԱՆ (1969-2001)

Սիրերգութեան ինքնօրինակ դրսեւորման ենք հանդիպում վաղամեռիկ Արտակ Համբարձումեանի բանաստեղծութեան մէջ: Սիրելի կիին աստուածանում ու վեհանում է նրա քնարերգութեան բազմաշերտերում: Թւում է, թէ աննիւթեղէն, վերերկրային է այս էակը, արտասովոր՝ իր բնորոշումներով, սիրուելու կերպով.

*Ես փնտրում եմ բայե՛ր,  
որոնք քեզ կը բերեն իմ ցանկութեան լուրը<sup>52</sup>,  
ես սիրում եմ ցատկ քեզ մասնաւորել  
ու քեզ սիրել հերթո՛ւկ<sup>53</sup>:*

Բանաստեղծի վերաբերմունքն իր քնարական հերոսուհու նկատմամբ ստեղծում է տպավորութիւն, թէ մենք գործ ունենք ոչ-սովորական, ոչ-իրական, ոչ-հողեղէն մահկանացոյի հետ: Բայց նոյնքան բանաստեղծական ու երազային է սիրելիի նկարագիրը հասարակ հայ կնոջ ընտանեկան, կեն-

ցաղային միջավայրում: Յաճախ Արտակ Համբարձումեանն իր երգերում քանաստեղծականացնում է հենց այդպիսի կնոջը՝ առօրեայ հոգսի, տառապանքի, չհասկացուածութեան եւ վիրատրանքների համապատկերում: Այսինքն՝ չի վախենում երեւան հանել սիրոյ իրական պատկերը, չի փորձում քողարկել սիրոյ փշերը.

*Եւ ուշ գիշերով՝ հարբած, յոխորտուն,  
Շշուացնելով մի երգ անհեթեթ՝  
Դուռը կոտրէի ու մտնէի տուն  
Ինձանից խելառ ընկերներիս հետ:  
Ու քե՛զ Կոստէի, իմ յաւերժահա՛րս,  
Անսահման սիրուց ապփակէի քեզ,  
Ընկերներիս հետ բռնէի գրագ,  
Որ Կանն ինչ ունենք՝ հիմա կը բերես<sup>54</sup>:*

Համբարձումեանի քնարերգութեան մէջ գերիշխող են անդրադարձումները մահուան, նրա առեղծուածային ու միաժամանակ գաղտնագրծուած խորհրդին: Չարմանալիօրէն սթափ, խոհական ու անլաց է Համբարձումեանի «մահերգութիւնը»: Անբացատրելի մի զգացողութեամբ նա կանխատեսել է մօտալուտ մահը եւ յօրինել նրա քանաստեղծական դիմանկարը:

Մահուան թեման փիլիսոփայօրէն ծանրութեթեւ անող քանաստեղծողը որքերգական ապրումների յորձանուտում է յայտնուում, երբ անդրադառնում է քանաստեղծի հոգու, ստեղծագործող մարդու եւսի վերլուծութեանը:

*Քանաստեղծի հոգին միշտ էլ փակ է մնում,  
Նրան ծերացնում է հարազատ մայրն անգամ,  
Նա մեռնում է, ինչպէս շախմատում է լինում,  
Թագուհուն են խոցում, բայց զոհում է արքան<sup>55</sup>:*

Հայրենասիրութիւնն ու հայրենիքը քանաստեղծի համար որոշակիանում են, դառնում որոշակի անուններ՝ Չարենց, Վահագն Դափեան, Համօ Սահեան, Վահան Թամարեան, ազատամարտիկներ Մովսէս Գորգիսեան, Վահէ Բաղդասարեան, ծնողներ, ընտանիք:

*Երբ երազն իր նուրբ ծեռքն է դնում  
Ճակատիս այրոտող մոմի բոցին,  
Ե՛ւ արեգակի, ե՛ւ Չարենցի  
Տառապանքներն են երկրում մնում:  
...Ե՛ւ խրճիթներից, ե՛ւ գրքերից  
Տխուր թոչում են անուն-անուն  
Դէմքեր, որ Կարսի այգում քնում  
Ու արթնանում են խու՛լ վերքերից...<sup>56</sup>*

• Բայց եւ աշխարհը չի սահմանափակում հայրենի եզերքի թանկ անուններով. վերջիններիս կողքին, իրենց բնութագրող «ներյարդարանքով», պատկերաշարը լրացնում են Վիփլըն Լին, Լորընս Օլիփէն, Քլարկ Գէյթըլը, Լուի Արմսթրոնգը, Վան Գոգը, Մոցարտը: Համբարձումեանը «նկարում է» քանաստեղծական պատկերներ՝ բնորոշ ամենագունեղ կախարդական հեքիաթներին: Բայց պատկերի հեքիաթայնութիւնը չի ստեղծում անբնա-

կանութեան, արհեստականութեան զգացողութիւն: Բանաստեղծական տողերից կարծես յառնում է նրա ստեղծած դիւբական նկարը ու, թւում է, կարելի է ոչ միայն տեսնել, այլև 202ափել:

*Մի յոգնած արեւ ուսապարկն ուսին գնում էր փուն,*

*Մի դեղնած փերեւ յենուած իմ յոյսին մտնում էր քուն<sup>57</sup>:*

Կամ՝ *Աստղերի գինովցած քարաւանն իջնում էր գիշերի մէջքով,  
Ու հարթած մի աստղի գրպանից իմ հոգին ընկաւ երկիր<sup>58</sup>:*

Եւ էլի մէկը՝ *Ինձ համար երազ է մնացել քեզ լուսնի կոնքերին դնելը,  
Երազս դարձել է արփատափ՝ իմ ցատկ ողողուած ըմպանում<sup>59</sup>:*

Համբարձումեանի բանաստեղծութեան մէջ հանդիպում ենք հակադրութիւնների իւրատեսակ ներդաշնակութեան: Այստեղ կողք կողքի բառեր եւ հասկացութիւններ են, որոնք, թւում է, ոչ մի կերպ չպիտի յայտնուէին միեւնոյն հարթութեան վրայ (քիրտ նազանք, անգոյն աստղ, որբ թափիծ, սիրոյ բուֆ նողկանք, սպիտակ սուգ են.): Կեանքի վերջին տարիներին գրուած բանաստեղծութիւններում զգացում են քաղաքացիական հնչերանգի դրսետրումներ, հայրենասիրական, փիլիսոփայական խտեր.

*Ուրեմն ի՛նչ, ա՛զգ իմ,*

*Դէպի լեռան Արարափ,*

*Դէպի հող ու երկիր,*

*Չէ որ քեզ փրկել է մի օր Որդին,*

*Ուրեմն վե՛ր, ա՛զգ իմ,*

*Դէպի ուրիշ երկիր, որ մե՛րն է,*

*Դէպի Տապա՛նն անգին,*

*Չէ որ Արարափը այն նոյն լեռն է<sup>60</sup>:*

Քննելով դրանք՝ կարող ենք ենթադրել, որ հասուն տարիքում Արտակ Համբարձումեանի սիրեզութիւնը պիտի ետ մղուէր եւ տեղի տար նոր բանաստեղծական երկնումների, նոր թեմաների առջեւ: Ահա թէ ինչ էր գրում նա մահուանից կարճ ժամանակ առաջ.

*Մի կտոր ոգեղէն հաց ունեմ,*

*Կը ներէք, ուրելու եմ մէնակ,*

*Այսինքն, կարող էք չներել,*

*Ես արդէն ուրում եմ այն...<sup>61</sup>:*

## ԱՄՓՈՓՈՒՄ

Յետխորհրդային շրջանի քնարերգութիւնը հարուստ է, բազմազան, բովանդակութեան առումով չափազանց ընդարձակ է եւ բազմաբեւեռ:

Այս հեղինակներն իրենց գրողական ծիրքով, ոճով, ասելիքով չափազանց գրափչ ու ինքնատիպ էին դեռ խորհրդային ժամանակներում: Բնական է, որ գաղափարական կաղապարուածութիւնը, ժամանակի տրամադրութիւնները, իրականութեան համապատկերը, նրանց երիտասարդ տարիքը ենթադրում էր մի շարք առանձնայատկութիւններ՝ նրանց չափածոյի մէջ: Սիրոյ, բնութեան, մելամաղծութեան, պատմական յիշողութեան, հա-

րագատ քաղաքի ու հայրենիքի թեմաները իրենց իւրօրինակ արտացոլումն էին գտնում նրանց երկերում: Եւ յաճախ պատահում էր այնպէս, որ անձնական ապրումի տիրոյթում տեղ էին գտնում խորհրդանշական պատկերներ եւ բովանդակութիւն, որոնք խորքային իմաստով անելին էին, քան ներկայացրած էին տուեալ ստեղծագործութեան արտաքին ձեւի մեջ:

Օրինակ՝ Էդոյեանի «Մեծ Արջի Թաթերը» բանաստեղծութեան բնապատկերի խորքում խորհրդային կայսրութեան մեծ քաղաքիչի՝ Ռուսաստանի այլաբանութիւնն ենք գտնում.

*... Գիշերը մեզ պահում է փակ դռան առաջ,  
եւ ոտիդ մեզ վրայ  
երկնքից կախում են Մեծ Արջի թաթերը<sup>62</sup>:*

Գրիգորեանին այս շրջանում եւս բնորոշ էր երգիծական վերաբերմունքի կիրառութիւնը ամենալուրջ թեմաներին անդրադառնալիս անգամ: Քծնող մարդու բանաստեղծացումն այսպիսի դրսեւորում է ստացել նրա մօտ.

*Հարկատր է մրսծել վաղուայ օրուայ մասին,  
ասաց հարեանս*

*եւ եա մի արկղ օճառ խցկեց պահարանի վերին դարակը<sup>63</sup>:*

Սելամաղծոտ, յուսահատ տրամադրութեան կայուն շերտ կայ Սարուխանի չափածոյում: Եւ դարձեալ այն խորքային է, ոչ-ներանձնական.

*Անձրեն անցնէր, ու մամուռը փայլէր պապին:*

*Մի թոչուն գար ու ժամերով պապին նստէր:*

*Ու աչքերում յառնէր պապկերն Արարապի...*

*Համբերութիւն՝ փոքր թոչունին, երկնային՝ փէր<sup>64</sup>:*

Նոյնքան խորհրդանշական է Շեկոյեանի սոնէտը, որում վեր է հանում մարդուն պարտադրանքի ենթարկելու, թեաթափելու գաղափարը.

*Այս աստիճաններն այնպէս են շարել*

*որ քայլ անելիս վերեւ չեայես:*

*Այդպէս գլուխկախ ընթանում եմ ես*

*եւ դեռ չեմ տեսել երկինք ու արե<sup>65</sup>:*

Բոլորի մօտ միշտ ներկայ է Արարատը՝ իր ֆիզիկական եւ հոգեբանական նկարագրով: Այն յիշողութեան, կարօտի, փրկութեան, հաւատի, վրիժառութեան խոհերի խտացում է դառնում: Ջորօրիկակ.

*Ծաղիկ՝ ծաղկի վրայ: Եւ քար՝ քարի վրայ:*

*Եւ սա քաղաք չէ սոսկ - մոլորակ է յոյսի:*

*Մեր պատկերն է Լեռան յարիւր ֆոնի վրայ:*

*Մեր պատկերն է՝ հունցուած այս աշխարհի լոյսից<sup>66</sup>:*

Կամ՝ *Մինչդեռ, Լեա՛ղըն իմ նախնեաց,  
Կանխաձայն եմ լսում ես...  
Բիրլիական դուռդ բա՛ց,  
Նոյի նման մտնեմ ներս<sup>67</sup>:*

Անկեղծ, խաղացկուն, յուզառատ, երբեմն նաեւ զուարճաբան են դառնում այս բանաստեղծները սիրոյ քնարում: Ահա մի քաղուածք Շեկոյեանից.

*Աէ՛ր ասացի: Ա՛յ թէ բառ է:*

Հընարել ու քաշուել են կողմ:  
Իր համար կայ - անմեղ գառ է,  
քանի թեզ չի դարձրել հորթ<sup>26</sup>:

Այս հեղինակների մէջ ոմանք (Էդոյեան, Յարութիւնեան, Թամրազեան) խորհրդային շրջանում առանելապէս իրենց գրական ծիրը դրսետրեցին գրականագիտութեան եւ թարգմանութիւնների սեռերում, միաժամանակ բանաստեղծելով՝ անմասն չմնալով հայ քնարերգութեան ընթացքից:

ԾԱՆՕԹԱԳՐՈՒԹԻՒՆՆԵՐ

- <sup>1</sup> Տե՛ս՝ «Յետխորհրդային Շրջանի Հայ Քնարերգութեան Միջանի Պատկեր», *Հայկազեան Հայագիտական Հանդէս, Հրր. ԼԸ.*, 2018, էջ 467-86:
- <sup>2</sup> Լիւրդիգ Դուբեան, *Կեանք Իմացեալ*, Երեւան, 2008, էջ 32:
- <sup>3</sup> Ժողովրդական երգ, բանաստեղծութիւն:
- <sup>4</sup> Նոյն, էջ 74:
- <sup>5</sup> Խենթ աչք ունեցող:
- <sup>6</sup> Նոյն, էջ 104:
- <sup>7</sup> Նոյն, էջ 138:
- <sup>8</sup> Նոյն, էջ 139:
- <sup>9</sup> Լիւրդիգ Դուբեան, *Մեր Տարիքն Արարապոն է*, Երեւան, 2006, էջ 88:
- <sup>10</sup> Դուբեան, *Կեանք Իմացեալ*, էջ 328:
- <sup>11</sup> Նոյն, էջ 263:
- <sup>12</sup> Նոյն, էջ 177:
- <sup>13</sup> Նոյն, էջ 333:
- <sup>14</sup> Արմէն Մարտիրոսեան, *Սիրոյ Շղթայ*, Երեւան, Նայիրի, 2003, էջ 58-9:
- <sup>15</sup> Նոյն, էջ 57:
- <sup>16</sup> Արմէն Մարտիրոսեան, *Ներաշխարհի Լռութիւն*, Երեւան, ՀԳՄ, 2008, էջ 129:
- <sup>17</sup> Նոյն, էջ 122-3:
- <sup>18</sup> Նիշ, պոստ, բիծ:
- <sup>19</sup> Նոյն, էջ 123:
- <sup>20</sup> Մարտիրոսեան, *Սիրոյ*, էջ 22:
- <sup>21</sup> Արմէն Մարտիրոսեան, *Արգէլուած Պարուղը*, Երեւան, ՀԳՄ, 2005, էջ 5:
- <sup>22</sup> Մարտիրոսեան, *Սիրոյ*, էջ 20:
- <sup>23</sup> Նոյն, էջ 35:
- <sup>24</sup> Նոյն, էջ 207:
- <sup>25</sup> <http://granish.org/hovhannes-grigoryan/> :
- <sup>26</sup> Նոյն:
- <sup>27</sup> <http://www.cultural.am/hy/gradaran/grakanutyun/yerbeq-chmernes> :
- <sup>28</sup> Նոյն:
- <sup>29</sup> Նոյն:
- <sup>30</sup> Թանկարժէք Jeep մեքենաներ վարողներին նկատի ունի հեղինակը:
- <sup>31</sup> Նոյն:
- <sup>32</sup> <http://www.cultural.am/hy/gradaran/grakanutyun/yerbeq-chmernes-ashnan-hin-tetreric> :
- <sup>33</sup> <http://www.cultural.am/hy/gradaran/grakanutyun/yerbeq-chmernes> :
- <sup>34</sup> Նոյն:

- 35 Նոյն:
- 36 Նոյն:
- 37 Հրաչեայ Սարովսան, *Ի Տրիպոլոս*, Երեւան, 2005, էջ 140:
- 38 Նոյն, էջ 79:
- 39 Նոյն, էջ 26:
- 40 Նոյն, էջ 140:
- 41 Նոյն, էջ 108:
- 42 Նոյն, էջ 315:
- 43 Նոյն, էջ 28:
- 44 Հրաչեայ Թամրազեան, *Շղթայուած Օրեր*, Երեւան, Նայիրի, 2016, էջ 379:
- 45 Նոյն, էջ 199:
- 46 Նոյն, էջ 132:
- 47 Նոյն, էջ 196:
- 48 Նոյն, էջ 92:
- 49 Նոյն, էջ 334:
- 50 Նոյն, էջ 362:
- 51 Նոյն, էջ 286:
- 52 Արտակ Համբարձումեան, *Սպասի՛ր Ինձ, Տէ՛ր*, Երեւան, 2009, էջ 70:
- 53 Նոյն, էջ 150:
- 54 Նոյն, էջ 44:
- 55 Նոյն, էջ 128:
- 56 Նոյն, էջ 109:
- 57 Նոյն, էջ 48:
- 58 Նոյն, էջ 103:
- 59 Նոյն, էջ 19:
- 60 Նոյն, էջ 502:
- 61 Նոյն, էջ 267:
- 62 Հենրիկ Էրոյեան, *Աժճ եւ Միշտ*, Երեւան, Սովետական Գրող, 1987, էջ 19:
- 63 *Գարուն ամսագիր*, 1987, թիւ 1, էջ 23:
- 64 Հրաչեայ Սարովսան, *Վկայութիւններ*, Երեւան, Խորհրդային Գրող, 1989, էջ 5:
- 65 Արմէն Շեկոյեան, *Բախտ*, Երեւան, Սովետական Գրող, 1987, էջ 46:
- 66 Արմէն Շեկոյեան, *Թուղթ Ու Գիր*, Երեւան, Խորհրդային Գրող, 1990, էջ 262:
- 67 Հրաչեայ Սարովսան, *Վկայութիւններ*, էջ 8:
- 68 Շեկոյեան, *Բախտ*, էջ 69:

ARMENIAN POETRY AT THE SOVIET/INDEPENDENCE CROSSROADS  
(Summary)

KARINE RAFAELYAN

karine.rafaelyan@mail.ru

The paper highlights the main themes and moods of Armenian poetry and poets at the crossroads of the Soviet and independence era of the Republic of Armenia.

The author focuses mainly on Ludwig Duryan, Armen Martirosyan, Hovhannes Grigoryan, Hrachya Sarukhan, Hrachya Tamrazyan, and Artak Hambardzumyan, who were inspired by the past and current history of Armenia, diverse geopolitical events, topics related to nature, love, pain, death, various aspects of human existence, everyday life concerns and the challenges of looking for a brighter future yet being disappointed.